



MADE IN U.S.A.
NOT LEGAL
IN EUROPE

925001-

- 925102

Mag. St. Dr.

III


DISCURSUS

CHRISTIANI HOMINIS,

PRO TEMPORE

Ad

STATVS REIPVBLICÆ



Vicunq; habeat scintillam Zeli, ad promovendam necnon augendam Fidem Sanctam ac gloriam DEI, quam habere quisq; tenetur: nam propterea est a DEO creatus, ut ante omnia Gloriam eius curet & Animam suam salvam faciat: imò deberet ex eo extreme letari: Quod DEVS rex optimus Maximus, ex bonitate sua immensa, Serenissimum Electorem Saxonie ad Fidem Sanctam vocaverit, ex cuius vocatione, magna spes conversionis totius Saxonie exoritur. *Ac, unde mors oriebatur, inde vita resurget.* Et ecce nunc, in locum horum, ab Adversa parte nihil magis de Ipsomet publicatur, non solum verbis, calamo, verum etiam Typo. Quasi sit *Contrarius Fidei*, quasi sit *Hæreticus*, quod *Poloniam Hæretica secta coinquinabit*, & alia millena excogitata balbutiri præsumuntur. Taline modo trahere conabimur ad Fidem Sanctam? hocine est iuvamen ad illam Salvatoris repromissionem. *Erit Unum Ovile & unus Pastor.* Eone condimento expedit dulcorare veram Fidem Sanctam? An iniquè ac indebitè pudore afficient hos Pseudocatholicos, Hæreticos, Lutheranos, Calvinianos sectæ homines? ad quos dum aliquis Profugus Apostata accesserit: Vix illum in manibus non extollunt: ad Cathedras principales exponunt: omnem honorem exhibent, necnon provident alimenta. Et hinc Serenissimus Elector, Dominus Dominiorum, *venit* (non propter Coronam, cum longè præcedenti tempore ante Electionem) *ad gremium Ecclesie*: cuius rei luce meridiana, clariora sunt Documenta. ac idæo, ubi omnino opus fuerit expansis manibus amplecti, acceptare, congratulari, letari omnibus Christi fidelibus: & Ecce Hi aliter, ex Catholico *Hæreticum* efficere conantur: Et ecce, Illos, qui ex Eo congaudent, qui pro Hoc Altissimo gratias agunt, persequuntur, ac *Fautores Hæreticorum* proclamant &c.

Licetne contravenire Ordinationi Divinæ! Licetne adimere aut cōminuere, quod Ei DEVS contulit *Donum Fidei*. Si Ei Regnum, quo, omni ex parte Dignus, conferre apud aduersam Partem non est voluntatis. Saltim Eidem, illud Regnum, de quo Salvator, *Regnum DEI intra vos est*, non adimendum. Dubitat pars Aduersa, de non facienda Professione Fidei Sanctæ, Serenissimæ Consortis Electi Regis. Procerto intale tractamentum, translationes, non tantum debilioris Complexionis Personæ, sed & Ipsimet, ac vnicuiq; alio, etiam si optimè disposito euidens obstaculum. Dixit Salvator, quod *Gaudium est Angelis super uno peccatore penitentem agente*: & hinc, etiam si non vnus sed millia millium conuertendorum spes affulget, non *Gaudium* sed *Odium ac persecutio* subsequitur: tum vel maximè, Descriptiones vitæ, morum, in opprobrium Personæ; attamen per antea facta sæcula nihil horum, præter Gloriosas Ejus Actiones, tum expeditiones Hæroicas in Vngaria, Expensas Militares, toti Christiano Orbi publicatum remansit. Vnde nunc hæc mutatio! O *Charitas Christi* fidelium! quàm contraria es DEO, Innocentiæ veritati. Licet si nihil aliud intercesserit, solas præferendo in considerationem *Falsitates*, quæ circa Iuramentum in Pacta Conuenta manent Typis exarata.

Ac in;

925036

Ac inprimis, Quasi Clādestinē venerint in Ecclesiam Illustrissimi Duces, Senatores,
quod, de mane hora sexta, quod in Protestantes framea in templo euaginata diffidendo
Et in vitam. &c. Quot Verba tot Falsitates. In toto sacro cantato de Sanctissima Tri-
nitate Præsentes fuere Illustrissimi prænominati, post idem Sacrum, modoprimum
acceserunt ad Iuramentum, quod actum, post octauam horam. Expositio San-
ctissimi in Pixide tantum, non propter præstandum Iuramentum: de quo nemo
ex Sacerdotibus Ecclesiæ Sancti Ioannis notitiam habuit. Verum propē a vigin-
ti annis in Primaria Missa solita hora antecederet præcessit: subsecuta, more so-
lito, cum cantu *saluum fac* benedictio a Cantante & Celebrante eandem Mis-
sam sacerdote, non propter Iurantem, sed propter Populum pro hac Deuotione
quotidie comparentem. Frameam quoq; euaginatam nemo vllam vidit. Conue-
niebatne igitur tot falsitatibus Typum infarcire! Est, quod sibi gratulentur isti,
qui non intrant in medium Horum *diligentium vanitatem & querentium Mendacium*.
Sunt certo & sanæ mentis, & timorata ac optima conscientia, quandoquidem non
adhæserunt Factioni Nationis illius: quæ vltq; ad aures in sanguine Catholicorum
peragrat ac natar: vrbes Christianorū, Tempia Deo dicata, Monasteria, Altaria va-
stat, ruinat depopulatur: cum præteream, parua mentione, Coīntelligentiam cum
Ottomano, nec non illud (propter quod hucusq; Constantinopoli Nomen Ie-
su Christi non glorificatur) impedimentum. Non adhæserunt prænominatæ
Factioni, nam non habent in votis, vt hoc inclyrunt Regnum, charissima Eorū-
dem Patria, fieret Theatrum bellorum, ex occasione Eiusdemodi Regnantis, qui
inimicis Crucis Christi fauendo, proueret, in semetipsum, omnium Colligato-
rum, Potentiam. Non vident, e proximo prospicere, in Inferitum, vicini Ca-
tholicorum Dominij; neque in ruinam Viennæ, necnon aliarum Ciuitatum,
proximarum adinstar Bruxellis, ac cæterarum centenarum Vrbium, atque ha-
rum omnium (quod summē dolendum) Catholicarum non Hæreticarum.
Adhæserunt verō Serenissimo Electori Saxonie, Quem non vlla factiones, nec
corruptantes largitiones, verū Deus ipse, & fauentes Cæli in Campo Ele-
ctorali fermē per Inspirationem contulit. Sine dubio in Præmium suscepta ab
Eo Fidei sanctæ, & pro hac, quā, ejus opere Hæroico per vniuersam Hungariam po-
titur gloria. Adhæserunt huic Electori, qui cum sit Dominus in proprio Duca-
tu, solo Gloriæ Dei zelo accensus, non parcendo integritati vitæ, sumptibus,
Expensis, Ipsemet in Persona, Pectore, sanguine proprio, per aliquot Annos op-
ponit se. tam Orthomanicæ Potentiæ Inimico Crucis Christi, quam & Hære-
ticis in Vngaria degentibus. Mehercule, pro hoc ipso Dignus Coronā, Dignus Sce-
ptro. Adhæserunt ad extremum huic Electioni & Nominationi, Quæ neque
reperitur periura, neque largitionibus corrupta, neque vlla Contradictione in
Campo Electorali vitata. Cui, Vicini, Cognati, Colligati, Populus vniuer-
sus applaudunt, De qua Caput Vrbium Roma, Domus Regia, ac omne viuens
exultat contentissimum. Concedat Deus Aduersæ Parti idipsum sapere: ne
amplius afflicta Patria patiatur. Si aliquantulum præiudicij in libertate Electio-
nis inuenitur: non desunt media pacifica, Fidem, non rodendo, Perso-
nam, mores: clementia tam Serenissimi Electoris, Deo ac Ecclesiæ Sanctæ
aggregati, quā & Domus Eius, tum quoque Dominia ad Ouilē Christi
aliciendo, atque per hoc, vti Fidem Sanctam dulcorando, patiter scilicet
iplos Christi Fideles profitendo; semotis falsitatibus non ponendo
malum pro bono, amarum pro dulci, veritate, Pietate, virtu-
te potius cooperari expedit.

